

Na osnovu zahtjeva zainteresovanog lica za pojašnjenje tenderske dokumentacije za nabavku ROBE - **Nabavka aparata za mehaničku ventilaciju (respiratora) (OJ Meljine)**, broj 34-02-286 od 19.05.2026. godine, dostavljen dana 27.05.2026. godine u 10:42 h kroz CEJN odjeljak **KOMUNIKACIJA**, Naručilac vrši izmjenu tenderske dokumentacije za predmetnu nabavku, te shodno članu 94 Zakona o javnim nabavkama (Sl.list CG broj 074/19, 03/23, 11/23, 84/24), ZU Kliničko-bolnički centar Kotor, u svojstvu naručioca, objavljuje:

IZMJENA/DOPUNA BROJ 2 TENDERSKE DOKUMENTACIJE
**BROJ 34-02-286 NABAVKA APARATA ZA MEHANIČKU VENTILACIJU
(RESPIRATORA) (OJ MELJINE)**

Zainteresovano lice je dostavilo zahtjev za izmjenu i/ili dopunu tenderske dokumentacije u otvorenom postupku javne nabavke broj 34-02-286 (šifra CEJN 115157) od 19.05.2026. godine, navodeći slijedeće:

» U skladu sa članom 95 Zakona o javnim nabavkama, a u vezi sa postupkom broj 115157 od 19.05.2026. godine - Nabavka aparata za mehaničku ventilaciju (respiratora) (OJ Meljine), zahtijevamo sljedeće izmjene i/ili dopune tenderske dokumentacije:

U dijelu tenderske dokumentacije - Uslovi za učešće u postupku i zahtjevi u pogledu načina izvršavanja predmeta nabavke, tačka 17, navedeno je da „Ponudač dužan da dostavi originalni katalog proizvođača za ponuđene aparate sa jasno naznačenim (markirano i obilježeno) tehničkim karakteristikama koje je naručilac zahtijevao tenderskom dokumentacijom“.

U praksi proizvođači često ne objedinjuju sve tehničke karakteristike u jednom dokumentu (katalogu), već su iste sadržane u različitim zvaničnim dokumentima, kao što su tehnički listovi (datasheet), uputstva za upotrebu, brošure i sl. Iz tog razloga, ovako definisan uslov može ograničiti konkurenciju, jer ne predstavlja adekvatan način dokazu usklađenosti ponuđenih aparata sa traženim karakteristikama.

S tim u vezi, predlažemo da se navedeni tački izmijeni način da se omogući dokazivanje tehničkih karakteristika putem više zvaničnih dokumenata proizvođača (npr. tehnički list, uputstvo za upotrebu, brošura) koji jasno označavaju tražene karakteristike u dostavljenim dokumentima.

Smatramo da bi se na ovaj način obezbijedila transparentnost i ravnopravnost ponuđača, bez uticaja na kvalitet predmeta nabavke.

Molimo naručioca da razmotri i prihvati predloženu izmjenu i/ili dopunu tenderske dokumentacije.»

Naručilac je u predmetnoj tenderskoj dokumentaciji u dijelu **Drugi uslovi** definisao stavku 17. kako slijedi:

»17. Ponudač je dužan da dostavi originalni katalog proizvođača za ponuđene aparate sa jasno naznačenim (markirano i obilježeno) tehničkim karakteristikama koje je naručilac zahtijevao tenderskom dokumentacijom. Ponudač je dužan u priloženom katalogu zaokružiti ili markirati markerom svaku tehničku karakteristiku koja se zahtijeva, sa naznakom broja karakteristike iz tehničke specifikacije Naručioca. Ukoliko sve zahtijevane karakteristike nijesu sadržane u katalogu, ponudač može dostaviti izjavu proizvođača, pečatiranu i potpisanu od strane ovlašćenog lica proizvođača, kojom se dokazuje da ponuđeni aparat posjeduje zahtijevanu karakteristiku i na kojoj će precizno biti naveden broj stavke i njen puni naziv iz tehničke specifikacije Naručioca na koju se karakteristika odnosi. Katalog i izjava proizvođača mogu biti dostavljeni i na engleskom jeziku. Naručilac zadržava pravo da od ponuđača zahtijeva prevod i provjeru priloženih informacija.«

Komisija je cijnila predmetni zahtjev za izmjenu i/ili dopunu tenderske dokumentacije u otvorenom postupku javne nabavke broj **34-02-286** (šifra CEJN 115157) od **19.05.2026.** godine, za nabavku ROBE - **Nabavka aparata za mehaničku ventilaciju (respiratora) (OJ Meljine)**, te rukovodeći se načelima javnih nabavki (konkurentnosti, transparentnosti, ravnopravnosti, slobode i zabrani diskriminacije), Naručilac vrši izmjenu naprijed citiranog **Drugog uslova** u stavci **17.** na slijedeći način:

Stavka 17. Drugi uslovi trenutno glasi:

OPIS	TIP USLOVA / ZAHTJEVA
17. Ponuđač je dužan da dostavi originalni katalog proizvođača za ponuđene aparate sa jasno naznačenim (markirano i obilježeno) tehničkim karakteristikama koje je naručilac zahtijevao tenderskom dokumentacijom. Ponuđač je dužan u priloženom katalogu zaokružiti ili markirati markerom svaku tehničku karakteristiku koja se zahtijeva, sa naznakom broja karakteristike iz tehničke specifikacije Naručioca. Ukoliko sve zahtijevane karakteristike nijesu sadržane u katalogu, ponuđač može dostaviti izjavu proizvođača, pečatiranu i potpisanu od strane ovlašćenog lica proizvođača, kojom se dokazuje da ponuđeni aparat posjeduje zahtijevanu karakteristiku i na kojoj će precizno biti naveden broj stavke i njen puni naziv iz tehničke specifikacije Naručioca na koju se karakteristika odnosi. Katalog i izjava proizvođača mogu biti dostavljeni i na engleskom jeziku. Naručilac zadržava pravo da od ponuđača zahtijeva prevod i provjeru priloženih informacija.	Drugi uslovi

Nakon izmjene, stavka 17. Drugi uslovi sada glasi:

OPIS	TIP USLOVA / ZAHTJEVA
17. Ponuđač je dužan da dostavi dokaz o tehničkim karakteristikama ponuđenih aparata u zvaničnim dokumentima (originalni katalog, tehnički listovi, uputstva za upotrebu, brošure ili drugi dokument izdat od strane proizvođača) sa jasno naznačenim (markirano i obilježeno) tehničkim karakteristikama koje je naručilac zahtijevao tenderskom dokumentacijom. Ponuđač je dužan u priloženom/im dokumentima da zaokruži ili markirati markerom svaku tehničku karakteristiku koja se zahtijeva, sa naznakom broja karakteristike iz tehničke specifikacije Naručioca na koju se karakteristika odnosi. Dostavljeni dokaz za ispunjavanje ovog uslova može biti i na engleskom jeziku. Naručilac zadržava pravo da od ponuđača zahtijeva prevod i provjeru priloženih informacija.	Drugi uslovi

Imajući u vidu naprijed navedeno, Naručilac mijenja tačku broj 9 predmetne tenderske dokumentacije koja se mijenja i sada glasi:

NAČIN, MJESTO I VRIJEME PODNOŠENJA PONUDA I OTVARANJA PONUDA

Ponude se podnose preko ESJN-a zaključno sa danom **11.06.2026.** godine do **10:00** sati. Otvaranje ponuda održaće se dana **11.06.2026.** godine do **10:00** sati.

Dio ponude koje se ne dostavlja preko ESJN-a, a odnosi se na garanciju ponude dostavlja se:

neposrednom predajom na arhivi naručioca na adresi: **ul. Njegoševa bb, 85 330 Kotor** preporučenom pošiljkom sa povratnicom na adresi: **ul. Njegoševa bb, 85 330 Kotor,**

radnim danima od **07** do **14** sati, zaključno sa danom **11.06.2026.** godine do **11:00** sati.

UPUTSTVO O PRAVNOM SREDSTVU

Privredni subjekat može da izjavi žalbu protiv ove tenderske dokumentacije Komisiji za zaštitu prava:

1) u roku od 20 dana od dana objavljivanja, odnosno dostavljanja tenderske dokumentacije ili izmjene i dopune tenderske dokumentacije, ako je rok za podnošenje prijava za kvalifikaciju, odnosno ponuda najmanje 30 dana od dana objavljivanja, odnosno dostavljanja tenderske dokumentacije ili izmjene i dopune tenderske dokumentacije;

2) u roku od deset dana od dana objavljivanja, odnosno dostavljanja tenderske dokumentacije ili izmjene i dopune tenderske dokumentacije, ako je rok za podnošenje prijava za kvalifikaciju, odnosno ponuda najmanje 15 dana od dana objavljivanja, odnosno dostavljanja tenderske dokumentacije ili izmjene i dopune tenderske dokumentacije;

3) do isteka polovine roka za podnošenje prijava za kvalifikaciju, odnosno ponuda, ako je rok za podnošenje prijava za kvalifikaciju, odnosno ponuda kraći od 15 dana od dana objavljivanja, odnosno dostavljanja tenderske dokumentacije ili izmjene i dopune tenderske dokumentacije, a u slučaju da je posljednji dan roka za podnošenje ponuda kraći od 24 časa, smatra se da rok ističe istekom tog dana.

Žalba se izjavljuje preko naručioca neposredno putem ESJN-a. Žalba koja nije podnesena na naprijed predviđeni način biće odbijena kao nedozvoljena.

Podnosilac žalbe je dužan da uz žalbu priloži dokaz o uplati naknade za vođenje postupka u iznosu od 1% od procijenjene vrijednosti javne nabavke, a najviše 20.000,00 eura, na žiro račun Komisije za zaštitu prava broj 530-20240-15 kod NLB Montenegro banke A.D.

Ukoliko je predmet nabavke podijeljen po partijama, a žalba se odnosi samo na određenu/e partiju/e, naknada se plaća u iznosu 1% od procijenjene vrijednosti javne nabavke te/tih partije/a.

Instrukcije za plaćanje naknade za vođenje postupka od strane žalilaca iz inostranstva nalaze se na internet stranici Komisije za zaštitu prava nabavki <http://www.kontrola-nabavki.me/>.

Predsjednica Komisije za sprovođenje postupka
javne nabavke
Plamenac Nina, službenik za javne nabavke



[Handwritten signature]